

nostra apud istam felicem Portam adhuc eo tempore quo eundem Hironimum primum istuc miseramus. Deinde hoc idem postea intellexerimus a reverendo domino Stephano Broderico electo episcopo Syrmienis, qui anno superiori, rediens ex Francia Venetiis, cum vestra magnificentia sermonem habuit. Agimus igitur vestrae magnificentiae infinitas gratias, et quaecumque in re poterimus unquam eidem gratificari, id libentissime faciemus. Rogamusque vestram magnificentiam ut in posterum quoque velit eodem animo esse erga nos et negotia nostra semper habere comendata. Fortasse Dominus Deus dabit adhuc, post tot labores et calamitates quas passi sumus, talem rebus nostris exitum et similibus amicis, qualis est nobis vestra magnificentia, posimus re ipsa animi nostri propensitatem et gratitudinem declarare, quod certe per omnes occasiones prontissimo animo sumus facturi.

Datum Albae Juliae Transylvaniae, die vigesima secunda augusti anno Domini 1531.

Subscripta :

JOHANNES REX  
*manu propria.*

A tergo : Magnifico domino Petro Zeno, primario senatori ac decemviro clarissimae reipublicae Venetae, nunc apud invictissimam Cesaream Maestatem Turcarum oratori, amico nostro carissimo.

84) Da poi disnar, fo Consejo di X con la Zonta, et fu poste certe partesele non da conto.

Fo taià certo salvoconduto fato per sier Piero Zen et sier Tomà Mozenigo, erano oratori a Constantinopoli, a uno dil Zante, bandito per sier Jacomo Memo fo proveditor al Zante.

Fo provà certo merchado di salnitri di Reame per la caxa di l' Arsenal.

Fo cresuto alcuni portoneri di la caxa di l' Arsenal ducati uno di più al mese di salario.

Fo dato alcuni *post prandii* a li Avogadori extraordinarii, sier Cabriel Venier et compagni, et a sier Lunardo Venier *olim* avogador, va podestà et capitano in Caodistria.

Fono electi tre sora le munege, et gastaldi per uno anno, justa la parte presa per avanti.

*Electi tre sora le munege et gastaldi.*

- + Sier Cabriel Moro el cavalier, fo provedador al Sal, qu. sier Antonio,
- + Sier Sebastian Foscarini el dottor, fo al luogo di Procurator, qu. sier Piero,
- + Sier Bortolomio Zane, fo savio a Terraferma, qu. sier Hironimo,
- Sier Sebastian Contarini el cavalier, fo podestà e capitano in Caodistria, qu. sier Sebastian,
- Sier Lorenzo Bragadin, fo cao dil Consejo di X, qu. sier Francesco,
- Sier Bernardo Soranzo, fo cao dil Consejo di X, qu. sier Beneto,
- Sier Francesco Morexini el dottor, qu. sier Cabriel,
- Sier Vettor Morexini, fo provedador sora le Pompe, qu. sier Jacomo.

*Da Roma, vene lettere di sier Marco Antonio Venier el dottor, orator, di 20 di l' instante.* Il signor Neapolion Orsini alli 11 fu contento consignar alli agenti dil pontifice la terra di Vicoaro e la rocha, qual fosse data in man dil cardinal di Medici, in questo mezo fuseno conostrate le ragion sue, et lui andò in alcune terre dil cardinal Orsino. Poi dito cardinal Medici partì in posta per Napoli, con licentia dil pontifice, per andar a solazo a veder Napoli, et visitar il reverendissimo Colonna. La nova hebbe il pontifice dil reverendissimo Campezo da Brucele, di 6 di l' instante, avisa il duca de Saxonia esser tornato bon christiano, è stà molto grata a Sua Santità, dicendo è bon principio alla religion christiana. Et mi disse, Cesare vol aiutar li 5 Cantoni di Sguizari et dattoli ducati 10 milia, et scritto nel Regno vendino beni per trovar una bona summa de danari, et se li manderà a ditti Cantoni. Et Soa Santità disse: « La Signoria è savia, prudente et religiosa, non doveria manchar a questo, et potrà farlo secretamente in nome nostro. Il re di Romani è molto pronto a questo, sicome mi aferma domino Andrea dil Borgo suo orator ». Da poi dimandai a Sua Santità si parte di lo exercito cesareo aloza sul parmesan. Dise, Cesare vol tenirlo fino el vegni in Italia, et non posendo li soi feudatarii tenirli più, alcune bandiere è andate sul parmesan. Scrive, il cardinal di Osma et li oratori cesarei li à afirmà ditte nove, i qualli disseno, voriano la Signoria facesse *etiam* lei, etc. Il magnifico May, orator cesareo, ha letere

(4) La carta 83\* è bianca.